

B o s n a i H e r c e g o v i n a
Federacija Bosne i Hercegovine
KANTON SARAJEVO
Ministarstvo za rad, socijalnu politiku,
raseljena lica i izbjeglice

I N F O R M A C I J A

**o radu udruženja koja se finansiraju i sufinansiraju iz budžeta Ministarstva za
rad, socijalnu politiku, raseljena lica i izbjeglice Kantona Sarajevo**

Sarajevo, maj 2013. godine

UVOD

Cilj Informacije je da se prezentira rad udruženja koja se finansiraju i sufinansiraju iz budžeta Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), sa posebnim osvrtom na realizaciju utrošenih budžetskih sredstava.

Kroz Informaciju će biti prezentovani podaci o radu i aktivnostima koje ova udruženja provode, problemima sa kojima se susreću u radu i članstvu koje udruženja okupljaju, kao i podaci o visini budžetskih sredstava koja se istim doznačavaju sa pozicije ovog ministarstva.

Informacija je rađena na osnovu podataka Ministarstva i podataka koje su u ovo ministarstvo dostavila udruženja.

Ministarstvo rad udruženja finansira i sufinansira na osnovu Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" br. 16/02, 8/03, 2/06, 21/06, 17/10, 26/12 i 15/13), u daljem tekstu: Kantonalni zakon, a Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo" broj 33/11) su između ostalog utvrđeni nosioci budžetskih sredstava u Budžetu, kao i opći i posebni kriteriji po oblastima.

Kratak presjek trenutnog stanja

Od donošenja Kantonalnog zakona 2002. godine redovno se vrši finansiranje/sufinansiranje rada udruženja (udruženja osoba sa invaliditetom, ostala i udruženja iz oblasti socijalne zaštite), a iz Budžeta Kantona Sarajevo sa pozicije Ministarstva trenutno se finansira/sufinansira rad slijedećih:

1. Udruženje slijepih Kantona Sarajevo
2. Udruženje distrofičara Kantona Sarajevo,
3. Udruženje oboljelih od multiple skleroze Kantona Sarajevo,
4. Udruženje paraplegičara i oboljelih od dječije paralize Kantona Sarajevo,
5. Udruženje gluhih Kantona Sarajevo,
6. Udruženje-Unija civilnih žrtava rata Kantona Sarajevo,
7. Udruženje oboljelih od poliomyelitisa, povrede mozga i kičmene moždine Kantona Sarajevo,
8. Udruženje oboljelih od cerebralne dječije paralize Kantona Sarajevo,
9. Udruženje za podršku osobama sa intelektualnim teškoćama na području Kantona Sarajevo "Oaza",
10. Udruženje invalida rada Kantona Sarajevo,
11. Udruženje "Žena-žrtva rata",
12. Udruženje nevladina organizacija altruista za pomoć osobama sa umanjnim sposobnostima "Svjetlo" Sarajevo,
13. Udruženje-Pokret "Majke enklave Srebrenica i Žepa",
14. Savez udruženja penzionera u Kantonu Sarajevo,
15. Udruženje oboljelih od morbus crohna i ulceroznog colitisa Bosne i Hercegovine,
16. Crveni križ Kantona Sarajevo,

17. Udruženje humanitarna organizacija "Merhamet" MDD,
18. Caritas Biskupske konferencije BiH,
19. Srpsko humanitarno udruženje "Dobrotvor",
20. Udruženje "Crveni polumjesec" i
21. Udruženje ilmijje Islamske zajednice u Bosni i Hercegovini.

Udruženja osoba sa invaliditetom

Budžetskim sredstvima Kantona Sarajevo sa pozicije ovog ministarstva se finansira/sufinansira rad udruženja osoba sa invaliditetom. U 2012. godini za ovu namjenu utrošena su budžetska sredstva u iznosu od 618.000,00 KM. U nastavku će biti prezentirani osnovni podaci o ovim udruženjima.

Udruženje slijepih Kantona Sarajevo

Udruženje ima 415 članova, a u istom je uposleno 6 osoba (podaci o strukturi članstva svih udruženja osoba sa invaliditetom nalaze se u tabeli 1. u prilogu ove informacije).

Navedeno udruženje provodi aktivnosti u cilju pružanja podrške slijepim osobama, te zaštititi prava i unapređenju njihovog položaja u društvu sa ciljem postizanje stanja društva u kojem je slijepa osoba ravnopravan i aktivan član oslobođena opterećenja koje ima zbog invaliditeta sa punim samopouzdanjem i vjerom u svoje sposobnosti i prihvaćena od okoline sa svim svojim specifičnostima. Udruženje ostvaruje saradnju sa stranim i domaćim nevladinim organizacijama, kao i vladinim institucijama sa ciljem stvaranja pristupačnog i društva senzibiliziranog za potrebe slijepih osoba. U svom radu se susreće i sa brojnim problemima od zastarjele opreme za rad, pa do nedovoljnih budžetskih sredstava koje dobijaju za svoj rad.

Podaci o prostoru u kojem udruženje djeluje prezentirani su u tabeli 2. koja se nalazi u prilogu ove informacije (navedena tabela sadrži ove podatke za sva udruženja koja se finansiraju budžetskim sredstvima sa pozicije Ministarstva).

Rad Udruženja je finansiran i iz budžeta Kantona Sarajevo, a u 2012. godini sa pozicije ovog ministarstva za ove namjene izdvojena su sredstva u iznosu od 74.700,00 KM.

Udruženje distrofičara Kantona Sarajevo

Udruženje ima 202 člana, a u istom je uposleno 5 osoba.

Ovo udruženje svoje aktivnosti usmjerava na ostvarivanje prava i pogodnosti za svoje članove kroz nastojanja za sistemskim rješenjima u različitim oblastima. U realizaciji svojih aktivnosti, Udruženje ostvaruje saradnju sa različitim stranim i domaćim organizacijama i drugim subjektima. U svome radu susreće i sa brojnim problemima, od nerazumjevanje specifičnih potreba članova od strane društvene zajednice do nedostatnih sredstva za rad Udruženja.

Rad Udruženja je finansiran i iz budžeta Kantona Sarajevo, a u 2012. godini sa pozicije ovog ministarstva za ove namjene izdvojena su sredstva u iznosu od 56.700,00 KM.

Udruženje oboljelih od multiple skleroze Kantona Sarajevo

Udruženje ima 285 članova, a u istom su uposlene 2 osobe.

Ovo udruženje se bavi pružanjem pomoći oboljelim od multiple skleroze i njihovim porodicama, te brojnim drugim aktivnostima koje za cilj imaju zaštitu ove populacije i stvaranje uslova za njihov kvalitetan život. Na ostvarivanju postavljenih ciljeva ovo udruženje ostvaruje saradnju sa različitim subjektima, a poseban problem u radu predstavlja neadekvatan prostor za rad koji trenutno koriste.

Rad Udruženja je finansiran i iz budžeta Kantona Sarajevo, a sa pozicije ovog ministarstva u 2012. godini za ove namjene izdvojena su sredstva u iznosu od 54.000,00 KM.

Udruženje paraplegičara i oboljelih od dječije paralize Kantona Sarajevo

Udruženje ima 204 člana, a u istom su uposlene 3 osobe.

Ovo udruženje okuplja paraplegičare i osobe oboljele od dječije paralize, koji se putem istog bore za kvalitetnu zaštitu ove populacije, te sistemsko rješavanje njihovih problema. Značaj udruženja se između ostalog ogleda i u svakodnevnom kontaktu i pružanju različitih usluga za članove, a osnovni problem predstavlja nedovoljno sredstava potrebno za rad Udruženja. Navedeno udruženje, u cilju lakše i bolje realizacije svojih aktivnosti, ostvaruje saradnju sa različitim subjektima.

Rad Udruženja je finansiran i iz budžeta Kantona Sarajevo, a sa pozicije ovog ministarstva u 2012. godini za ove namjene izdvojena su sredstva u iznosu od 58.500,00 KM.

Udruženje gluhih Kantona Sarajevo

Udruženje ima 320 članova, a u istom je uposleno 5 osoba.

Udruženje gluhih Kantona Sarajevo okuplja građane oštećenog sluha, radi zadovoljenja njihovih interesa, pružanja raznih vidova pomoći iz svih sfera života. U cilju realizacije navedenih zadataka Udruženje ostvaruje saradnju sa relevantnim subjektima. Značajno je istaći da isto ima status udruženja od javnog interesa (dato na osnovu Zakona o upotrebi znakovnog jezika) i pruža usluge znakovnog tumačenja za svoje članove i zainteresovane institucije.

Rad udruženja je finansiran i iz budžeta Kantona Sarajevo, a sa pozicije ovog ministarstva u 2012. godini za ove namjene izdvojena su sredstva u iznosu od 66.600,00 KM.

Udruženje - Unija civilnih žrtava rata Kantona Sarajevo

Udruženje ima 3.786 članova, a u istom su uposlene 3 osobe.

Ovo udruženje okuplja civilne žrtve rata koje se putem istog bore za kvalitetnu zaštitu i sistemsko rješavanje problema ove populacije. Osnovna djelatnost Udruženja je evidentiranje i okupljanje članova civilnih žrtava rata radi organizovanog djelovanja i uključivanja u sve društvene tokove, staranje o poboljšanju socijalnog statusa, briga o djeci članovima, te mnoge druge aktivnosti usmjerene na pomoć ovoj populaciji. U svom radu Udruženje ostvaruje saradnju sa različitim subjektima. Veliki je broj problema sa kojima se susreće članstvo, ali i samo udruženje, a kao najbitniji je istaknut problem nedostatnih sredstava potrebnih za rad.

Rad Udruženja je finansiran i iz budžeta Kantona Sarajevo, sa pozicije ovog ministarstva u 2012. godini za ove namjene izdvojena su sredstva u iznosu od 56.700,00 KM.

Udruženje oboljelih od poliomyelitisa, povrede mozga i kičmene moždine Kantona Sarajevo

Udruženje ima 380 članova, a u istom su uposlene 4 osobe.

Udruženje okuplja osobe oboljele od poliomyelitisa, povrede mozga i kičmene moždine u cilju njihovog organizovanog djelovanja u ostvarivanju potpunije i kvalitetnije zaštite ove populacije. U svom radu ostvaruju saradnju sa različitim subjektima, a poseban problem u radu Udruženja predstavlja neadekvatna zaštita članova koje isto okuplja, kao i nedovoljna finansijska sredstva potrebna za rad.

Rad Udruženja je finansiran i iz budžeta Kantona Sarajevo, sa pozicije ovog ministarstva u 2012. godini za ove namjene izdvojena su sredstva u iznosu od 56.700,00 KM.

Udruženje oboljelih od cerebralne dječije paralize Kantona Sarajevo

Udruženje ima 329 članova, a u istom je uposleno 5 osoba.

Udruženje okuplja osobe oboljele od cerebralne dječije paralize i njihove roditelje i staratelje, a provodi brojne aktivnosti na zaštiti ove populacije pri čemu ostvaruje saradnju sa relevantnim institucijama. Problemi sa kojima se udruženje susreće u svom radu se prvenstveno odnose na generalno loš položaj članstva i nedovoljna sredstva za rad.

Rad Udruženja je finansiran i iz budžeta Kantona Sarajevo, sa pozicije ovog ministarstva u 2012. godini za ove namjene izdvojena su sredstva u iznosu od 54.000,00 KM.

Udruženje za podršku osobama sa intelektualnim teškoćama na području Kantona Sarajevo "Oaza"

Udruženje ima 740 članova, a u istom je uposleno 6 osoba.

Djelatnost Udruženje "Oaza" usmjerena je na različite aktivnosti u cilju postizanja adekvatne zaštite osoba sa intelektualnim teškoćama i ostvarivanje boljeg položaja za ovu populaciju, razvijajući programe podrške u različitim oblastima, sa posebnim akcentom na različite okupacione radionice koje organizuju za članstvo. U svom radu ostvaruju dobru saradnju sa različitim stranim i domaćim organizacijama i drugim relevantnim subjektima. Najveći problemi sa kojima se Udruženje susreće su vezani za nedostatak finansija za određene projekte značajne za osobe sa intelektualnim teškoćama, kao i prostornog kapaciteta jer su potrebe veće u odnosu na trenutno raspoloživi prostor.

Rad udruženja je finansiran i iz budžeta Kantona Sarajevo, a sa pozicije ovog ministarstva u 2012. godini za ove namjene izdvojena su sredstva u iznosu od 43.200,00 KM.

Udruženje invalida rada Kantona Sarajevo

Udruženje ima 1.524 člana, a u istom su uposlene 2 osobe.

Udruženje invalida rada Kantona Sarajevo svoje aktivnosti usmjerava na postizanje kvalitetne zaštite, kao i druge aktivnosti od značaja za populaciju koju okuplja. Najveći problemi sa kojima se Udruženje suočava je zastarjela oprema za rad, neadekvatan poslovni prostor i nedovoljna finansijska sredstva za rad.

Rad udruženja je finansiran i iz budžeta Kantona Sarajevo, a sa pozicije ovog ministarstva u 2012. godini za ove namjene izdvojena su sredstva u iznosu od 33.000,00 KM.

Udruženje „Žena-žrtva rata“

Udruženje ima 1.570 članova sa priznatim statusom "žrtve rata", a u istom su uposlene 2 osobe.

Ovo udruženje okuplja žene i muškarce koji su silovani i seksualno zlostavljani tokom ratnih dešavanja u BiH i bavi se prikupljanjem dokumentarno-arhivske građe, informacija i podataka o svim aspektima stradanja žena i muškaraca tokom rata u BiH, te provodi druge aktivnosti u cilju adekvatnog planiranja i programiranja razvojnih aktivnosti i pravaca pomoći osobama sa priznatim statusom "žrtve rata". Najveći problemi sa kojima se Udruženje suočava odnose se na rad pravosudnih institucija, rješavanje statusnih pitanja žrtava rata, kao i nemogućnost pružanja finansijske podrške članovima.

Rad Udruženja finansiran je i iz budžeta Kantona Sarajevo, sa pozicije ovog ministarstva u 2012. godini za ove namjene izdvojena su sredstva u iznosu od 27.000,00 KM.

Nevladina organizacija altruista za pomoć osobama s umanjenim sposobnostima „Svjetlo“

Udruženje ima 188 članova, a u istom je uposleno 5 osoba.

Ovo udruženje ima za cilj uklanjanje barijera i prepreka koje rezultiraju diskriminacijom i socijalnim isključivanjem osoba sa umanjenim sposobnostima. Svoje aktivnosti usmjeravaju ka promjeni negativnog društvenog položaja prema ovim osobama, te promovisanju jednakih mogućnosti za sve. Udruženje u svom radu ostvaruje saradnju sa različitim subjektima, a najveći problemi su nedovoljna sredstva za rad, nedostatak vozila za prevoz članova, kao i nepostojanje sportske dvorane i terena za sportske programe namjenjene za populaciju koju okuplja.

Rad Udruženja je finansiran i iz budžeta Kantona Sarajevo, sa pozicije ovog ministarstva u 2012. godini za ove namjene izdvojena su sredstva u iznosu od 21.600,00 KM.

Udruženje oboljelih od morbus crohna i ulceroznog colitisa Bosne i Hercegovine

Udruženje ima preko 1500 članova, od toga je u Kantonu Sarajevo 497, a u istom je uposlena 1 osoba.

Ovo udruženje provodi aktivnosti na poboljšanju kvaliteta života oboljelih od morbus crohna i ulceroznog colitisa, a posebno u smislu ostvarivanju adekvatnog liječenja i terapije osoba oboljelih od navedenih bolesti. Problemi sa kojima se udruženje susreće u svom radu se prvenstveno odnose na nedovoljna sredstva potrebna za rad istog.

Rad Udruženja je finansiran i iz budžeta Kantona Sarajevo, sa pozicije ovog ministarstva u 2012. godini za ove namjene izdvojena su sredstva u iznosu od 15.000,00 KM.

Ostala udruženja

Pored udruženja osoba sa invaliditetom, iz budžeta Kantona Sarajevo finansiraju se i ostala udruženja. U 2012. godini za ovu namjenu iz budžeta Kantona Sarajevo sa pozicije Ministarstva utrošena su sredstva u iznosu od 55.000,00 KM. U nastavku će biti prezentirani osnovni podaci o ovim udruženjima.

Savez udruženja penzionera u Kantonu Sarajevo

Udruženje ima 61.299 članova. U Udruženju nema uposlenih (poslovi i radni zadaci se obavljaju volonterski uz minimalnu naknadu).

Savez udruženja penzionera u Kantonu Sarajevo svoj rad bazira na uzajamnosti i solidarnosti penzionera. Savez čine 8 općinskih udruženja penzionera, a njegova osnovna djelatnost usmjerena je na organizovano djelovanje na stvaranju što povoljnijih uslova za život penzionera. Najveći problemi sa kojima se Udruženje suočava odnose se na nedovoljna sredstva za rad i pružanje finansijske pomoći članovima, kao nedostatak prostora za funkcionisanje dnevnih centara za rad klubova penzionera.

Finansijska sredstva za rad navedenog udruženja osigurana su dijelom i iz budžeta Kantona Sarajevo, a u 2012. godini budžetska dotacija sa pozicije ovog ministarstva iznosila je 25.000,00 KM.

Udruženje Pokret „Majke enklave Srebrenica i Žepa“

Udruženje ima preko 7.500 članova. U Udruženju nema uposlenih (poslovi i radni zadaci se obavljaju volonterski uz minimalnu naknadu).

Djelatnost Udruženja Pokret „Majke enklave Srebrenica i Žepa“ usmjerena je na zaštitu žena, djece i porodica nestalih osoba, kao i na obnovu i povratak. Udruženje ostvaruje saradnju sa srodnim organizacijama iz zemlje i inostranstva. Problemi sa kojima se udruženje susreće u svom radu se prvenstveno odnose na nemogućnost da odgovore brojnim specifičnim potrebama i riješe probleme članstva.

Finansijska sredstva za rad navedenog udruženja osigurana su dijelom i iz budžeta Kantona Sarajevo, a u 2012. godini budžetska dotacija sa pozicije ovog ministarstva iznosila je 30.000,00 KM.

Organizacije iz oblasti socijalne zaštite

Budžetskim sredstvima Kantona Sarajevo finansira/sufinansira se i rad organizacija iz oblasti socijalne zaštite. U 2012. godini za ovu namjenu utrošena su budžetska sredstva u iznosu od 261.000,00 KM. U nastavku će biti prezentirani osnovni podaci o ovim organizacijama.

Crveni križ Kantona Sarajevo

Crveni križ Kantona Sarajevo ima 13.274 članova, a u istom je uposlena 21 osoba. U njegovom sastavu djeluje 9 organizacija Crvenog križa općina sa područja Kantona Sarajevo.

Osnovni ciljevi djelovanja organizacije su između ostalog ublažavanje ljudskih patnji, a posebno onih izazvanih velikim prirodnim nepogodama, drugim masovnim nesrećama, katastrofama i oružanim sukobima, podizanje zdravstvene kulture stanovništva, podizanje i unapređenje socijalne sigurnosti građana i solidarnosti, te koordinacija aktivnosti organizacija Crvenog križa Grada i općina Kantona Sarajevo. Problemi sa kojima se organizacija susreće se u najvećoj mjeri odnose na nedostajuća finansijska sredstva potrebna za rad.

Finansijska sredstva za rad ovog udruženja osigurana su i iz budžeta Kantona Sarajevo, a u 2012. godini budžetska dotacija sa pozicije ovog ministarstva za navedeno iznosila je 117.000,00 KM.

Udruženje humanitarna organizacija "Merhamet" MDD

Merhamet MDD ima 1.510 članova, a u istom je uposleno 13 osoba.

Ova organizacija svoju djelatnost zasniva na pružanju pomoći socijalno ugroženom stanovništvu, promovisanju solidarnosti i drugim humanitarnim djelatnostima, a najveći problem u radu je nedostatak finansijskih sredstava za realizaciju planiranih aktivnosti.

Finansijska sredstva za rad navedenog udruženja osigurana su i iz budžeta Kantona Sarajevo, a 2012. godini budžetska dotacija sa pozicije ovog ministarstva za navedeno iznosila je 63.000,00 KM.

Caritas Biskupske konferencije Bosne i Hercegovine

Ova organizacija ima 4.000 stalnih i oko 5.000 povremenih korisnika, a u istoj je uposleno 14 osoba.

Caritas Biskupske konferencije Bosne i Hercegovine obavlja slijedeće aktivnosti: organizuje pomoć u vanrednim okolnostima, realizuje projekte socijalne i medicinske pomoći za osobe u stanju socijalne potrebe, promovira vrijednosti karitativnog djelovanja i volonterizam, provodi brojna istraživanja i druge aktivnosti u cilju zaštite najugroženijih kategorija stanovništva, sa posebnim akcentom na stare i nemoćne. Problemi sa kojima se organizacija susreće se u najvećoj mjeri odnose na nedostajuća finansijska sredstva potrebna za rad.

Finansijska sredstva za rad navedenog udruženja osigurana su dijelom i iz budžeta Kantona Sarajevo, a u 2012. godini budžetska dotacija sa pozicije ovog ministarstva za navedeno iznosila je 18.000,00 KM.

Srpsko humanitarno udruženje „Dobrotvor“

Udruženje ima oko 2.500 članova na području Federacije BiH, na području Kantona Sarajevo oko 1.000 članova, a u istom je uposlena 1 osoba.

Srpsko humanitarno udruženje „Dobrotvor“ Sarajevo realizuje aktivnosti sa ciljem socijalne i druge pomoći članstvu koje okuplja, a najveći problem u radu je nedostatak finansijskih sredstava za realizaciju planiranih aktivnosti.

Finansijska sredstva za rad navedenog udruženja osigurana su i iz budžeta Kantona Sarajevo, a u 2012. godini budžetska dotacija sa pozicije ovog ministarstva za navedeno iznosila je 18.000,00 KM.

Udruženje Crveni polumjesec

Udruženje ima 100 aktivnih članova, a u istom su uposlene 2 osobe.

Udruženje Crveni polumjesec je organizacija koja se bavi zaštitom svojih članova u vidu podjele paketa sa prehrambenih artikala za svoje članove, druge organizacije i građane u stanju socijalne potrebe a najveći problem u radu je nedostatak finansijskih sredstava.

Finansijska sredstva za rad navedenog udruženja osigurana su i iz budžeta Kantona Sarajevo, a u 2012. godini budžetska dotacija sa pozicije ovog ministarstva za navedeno iznosila je 18.000,00 KM.

Udruženje ilmije Islamske zajednice u BiH

Udruženje ima 1.510 članova, a u istom su uposlene 2 osobe.

Udruženje ilmije Islamske zajednice u BiH svoju djelatnost provodi kroz slijedeće segmente: dokvalifikacija i obuka članova, izdavačka djelatnost i socijalne i humanitarne aktivnosti (socijalno humanitarni fond). Korisnici navedenog fonda Udruženja su imami u stanju socijalne potrebe (penzioneri i imami u povratničkim džematima), bolesni i invalidi rada unutar Islamske zajednice, kao i studenti korisnici stipendija koje osigurava ovo udruženje. Problemi sa kojima se organizacija susreće se u najvećoj mjeri odnose na nedostatak finansijskih sredstva i neadekvatan prostor za rad.

Finansijska sredstva za rad navedenog udruženja osigurana su dijelom i iz budžeta Kantona Sarajevo, a u 2012. godini budžetska dotacija ovom udruženju sa pozicije ovog ministarstva iznosila je 27.000,00 KM.

Ocjena stanja

Ministarstvo ima korektnu saradnju sa svim navedenim udruženjima, koja isto redovno informišu o aktivnostima koje provode putem mjesečnih i kvartalnih izvještaja o radu, kao i o utrošku budžetskih sredstava putem kvartalnih izvještaja o navedenom koje dostavljaju.

Što se tiče navedenih udruženja osoba sa invaliditetom, smatramo bitnim istaći da su ista uglavnom udruženja sa dugom tradicijom (Udruženje slijepih je osnovano 1948. godine), kao i dobrom organizacijom i bogatim iskustvom u djelovanju u nevladinom sektoru. Sva udruženja djeluju u skladu sa specifičnim potrebama svojih članova i provode aktivnosti iz oblasti socijalne i zdravstvene zaštite, obrazovanja, zapošljavanja, itd, a sve sa ciljem socijalne integracije svojih članova koji su osobe sa različitim vrstama i stepenom invaliditeta. Smatramo bitnim istaći činjenicu da ova udruženja okupljaju osobe sa najvećim stepenom invaliditeta, a što je i vidljivo iz podataka o strukturi članova koji se nalaze u tabeli 1.

Jedan broj ovih udruženja ima dobre kontakte sa srodnim udruženjima iz inostranstva sa kojima u saradnji provodi značajne projekte od koristi za članstvo i čijom realizacijom podižu i svijest o osobama sa invaliditetom u našem društvu. Također, u saradnji sa stranim organizacijama ova udruženja organizovano provode i aktivnosti koji se odnose na osnaživanje ljudskih resursa udruženja kroz organizovanje edukacija u polju zagovaranja i namicanja sredstava za rad. Organizovano, u sklopu različitih koalicija, navedena udruženja osoba sa invaliditetom provode kampanje sa temama značajnim za ove osobe putem kojih o istim informišu svoje članstvo i širu društvenu zajednicu (Koalicija "Mogu, hoću, znam"- promocija Zakona o profesionalnoj rehabilitaciji, zapošljavanju i osposobljavanju lica sa invaliditetom i Fonda za profesionalnu

rehabilitaciju i zapošljavanje lica sa invaliditetom u FBiH). Jedan broj ovih udruženja, odnosno njihovih predstavnika direktno učestvuje i u izradi značajnih vladinih dokumenata (zakoni, strategije, planovi) koji se tiču ove populacije.

Udruženja osoba sa invaliditetom (Udruženje slijepih, Udruženje distrofičara, Udruženje oboljelih od multiple skleroze, Udruženje-Unija civilnih žrtava rata, Udruženje oboljelih od poliomyelitisa, povrede mozga i kičmene moždine, Udruženje paraplegičara i oboljelih od dječije paralize, Udruženje invalida rada, Udruženje "Oaza", Udruženje gluhih i Udruženje oboljelih od cerebralne dječije paralize) organizovana su u Koordinacioni odbor udruženja osoba sa invaliditetom Kantona Sarajevo, kroz koji se na organizovan način bore za ostvarivanje zajedničkih ciljeva populacije koju zastupaju.

Također, organizacije iz oblasti socijalne zaštite i to: Merhamet MDD, Caritas Biskupske konferencije i Srpsko humanitarno udruženje "Dobrotvor" organizovano od 1992. godine djeluju na ostvarivanju zajedničkih ciljeva u sastavu Koordinacionog odbora humanitarno-karitativnih organizacija KOHKO. Značajno je napomenuti da u sastavu Crvenog križa, Merhameta i Caritasa Vrhbosanske nadbiskupije djeluju javne kuhinje koje vrše pripremu i distribuciju toplog obroka korisnicima. Ovo je značajna aktivnost koju navedene organizacije provode u saradnji sa ovim ministarstvom koje za ove namjene izdvaja dodatna sredstva.

Sva naprijed navedena udruženja provode aktivnosti za koje cijenimo da su značajne i od interesa za Kanton Sarajevo. Smatramo nadalje da se saradnja Ministarstva i ovih udruženja u narednom periodu može unaprijediti na način da se veći broj aktivnosti realizuje zajednički, da se poboljša međusobna komunikacija u smislu razmjene informacija i znanja, te da se ostvari jača saradnja udruženja sa ustanovama koje djeluju u mreži socijalne zaštite na području Kantona Sarajevo.

Tabela br. 1
Struktura članova udruženja osoba sa invaliditetom

Red. broj	Naziv udruženja	Broj članova (ukupno)	Struktura članova prema vrsti (fizički, čulni, ntelektualni, kombinovane smetnje) i stepenu invaliditeta	Starosna struktura članova	Polna struktura članova
1.	Udruženje slijepih KS	415	čulni stepen invalidnosti 100%	do 18 godina -16, od 18 do 65 godina - 246, preko 65 godina - 153 osobe.	muškarci - 216 žene - 199
2.	Udruženje distrofičara KS	202	fizički stepen invalidnosti 100% - 90 članova (nepokretni članovi), stepen invalidnosti 90% - 75 članova (teško pokretni članovi), stepen invalidnosti 70-80% - 37 članova (pokretni članovi).	do 18 godina - 38, od 18 do 65 godina - 122, preko 65 godina - 42 osobe.	muškarci - 110 žene - 92
3.	Udruženje oboljelih od multiple skleroze KS	285	fizički stepen invalidnosti 100% - 191 član, stepen invalidnosti 60-90% - 94 člana.	o 18 godina - 0, od 18 do 65 godina - 249, preko 65 godina - 36 osoba.	muškarci - 70 žene - 215
4.	Udruženje paraplegičara i oboljelih od dječije paralize KS	204	fizički stepen invalidnosti 100%	do 18 godina - 7, od 18 do 65 godina -176, preko 65 godina - 21 osoba.	muškarci - 103 žene - 101
5.	Udruženje gluhih KS	320	čulni stepen invalidnosti 100%	do 18 godina - 25, od 18 do 65 godina - 184, preko 65 godina - 111 osoba.	muškarci -176 žene - 144
6.	Udruženje-Unija civilnih žrtava rata KS	3.786	fizički stepen invalidnosti 100% I kategorija - 73 članova, stepen invalidnosti 100% II kategorija - 176 članova, stepen invalidnosti 90% - 94 člana, stepen invalidnosti 80% - 161 član, stepen invalidnosti 70% - 185 članova, stepen invalidnosti 60% – 549 članova, stepen invalidnosti 20-50% – 237 članova, porodice poginulih i nestalih civila – 2.311 članova.	do 18 godina - 312, od 18 do 65 godina - 2.112, preko 65 godina - 1.362 osoba.	muškarci - 1.563 žene - 2.191 djeca – 32

7.	Udruženje oboljelih od poliomyelitisa, povrede mozga i kičmene moždine KS	380	fizički invaliditet - 304 intelektualni -72 čulni - 4 stepen invalidnosti 90-100% - 266 članova, stepen invalidnosti 70-80% - 95 članova, stepen invalidnosti 60% - 19 članova.	do 18 godina - 19, od 18 do 65 godina - 255, preko 65 godina - 106 osoba	muškarci - 209 žene - 171
8.	Udruženje oboljelih od cerebralne dječije paralize KS	329	uglavnom kombinovane smetnje stepen invalidnosti 90-100% -249 članova, stepen invalidnosti 80% i niže - 80 članova.	do 18 godina-136 , od 18 do 65 godina- 188, preko 65 godina- 5 osoba	muškarci -191 žene - 138
9.	Udruženje „Oaza“	740	intelektualni laki stepen intelektualnih teškoća - 355 člana, umjereni stepen intelektualnih teškoća – 160 članova, teži stepen intelektualnih teškoća – 76 članova, teški stepen intelektualnih teškoća – 70 članova, kombinovane smetnje – 79 članova.	do 18 godina -152 , od 18 do 65 godina - 588 , preko 65 godina - 0 osoba	muškarci - 426 žene - 314
10.	Udruženje invalida rada KS	1.524	fizički invaliditet -1.292 člana, psihički invaliditet- 128 člana, čulni- 104 člana. stepen invalidnosti 100% - 314 članova, stepen invalidnosti 90% - 193 člana, stepen invalidnosti 80% - 264 članova, stepen invalidnosti 70% - 224 člana, stepen invalidnosti 60% – 196 članova, stepen invalidnosti 30-50% – 30 članova i promjenjena radna sposobnost 303 člana.	do 18 godina - 0 , od 18 do 65 godina - 1.407, preko 65 godina - 117 osoba	muškarci -1.155 žene - 369
11.	Udruženje „Žena – žrtva rata“	1.570 (sa ostvarenim statusom žrtve rata)	posebna kategorija CŽR nemaju takve statistike (u fazi su izrade baze podataka koja će sadržavati i ove podatke)	nemaju takve statistike (u fazi su izrade baze podataka koja će sadržavati i ove podatke)	muškarci - 50 žene - 1.520
12.	Udruženje NVO „Svjetlo“	188	intelektualne teškoće laki stepen intelektualnih teškoća - 122 člana, umjereni stepen intelektualnih teškoća – 50 članova, teži stepen intelektualnih teškoća – 6 članova, teški stepen intelektualnih teškoća – 10 članova.	do 18 godina - 32 osobe, od 18 do 65 godina - 156 , preko 65 godina - 0 osoba	muškarci -111 žene - 77

13.	Udruženje oboljelih od morbus crohna i ulceroznog colitisa BiH	Preko 1.500, a u KS 497 članova	fizički stepen invalidnosti 100% - 255 članova, stepen invalidnosti 90% - 142 člana, stepen invalidnosti 60-80% - 100 članova.	Ne vode statistiku prema godinama starosti članova.	muškarci -238 žene - 259
-----	-------------------------------------------------------------------	---------------------------------------	-----------------------------------------------------------------------------------------------------------------------------------------	--------------------------------------------------------	-----------------------------

Tabela br. 2**Poslovni prostori u kojima djeluju udruženja čiji se rad finansira i sufinansira iz budžeta Ministarstva**

Red. Br.	Naziv udruženja	Adresa/e svih poslovnih prostora koje koristi udruženje	Status poslovnih prostora (vlasništvo, podzakup, isl.)	Namjena korištenja (aktivnosti koje se odvijaju u prostoru)	Adekvatnost poslovnog prostora aktivnostima koje se u istom odvijaju
1.	Udruženje slijepih KS	1. Podgaj br. 7	1. podzakup	1. provođenje programskih aktivnosti + Klub slijepih	1. adekvatan
2.	Udruženje distrofičara KS	1. Isa-bega Ishakovića br. 9	1. ustupljen na korištenje bez plaćanja naknade	1. provođenje programskih aktivnosti	1. adekvatan
3.	Udruženje oboljelih od multiple skleroze KS	1. Antuna Branka Šimića br. 13	1. ustupljen na korištenje	1. provođenje programskih aktivnosti	1. neadekvatan za prilaz članstva. Neizvjestan je ostanak u ovom prostoru zbog zahtjeva vlasnika prostora za povrat istog.
4.	Udruženje paraplegičara i oboljelih od dječije paralize KS	1. Grbavička br. 6	1. podzakup	1. provođenje programskih aktivnosti	1. adekvatan
5.	Udruženje gluhih KS	1. Ferhadija br 19/III 2. Sadržije 73	1. korištenje bez plaćanja naknade 2. korištenje bez plaćanja naknade	1. provođenje programskih aktivnosti i Stručna služba 2. provođenje programskih aktivnosti	prostori nisu potpuno adekvatni namjeni.
6.	Udruženje-Unija civilnih žrtava rata KS	1. Marka Marulića br. 13 2. Trg heroja br. 4	1. podzakup 2. podzakup	1. Provođenje programskih aktivnosti. 2. prostor trenutno nije u funkciji jer mu je potrebna adaptacija.	1. neadekvatan (nedostatan za obavljanje planiranih aktivnosti)-potrebna adaptacija 2. neadekvatan- potrebna adaptacija
7.	Udruženje oboljelih od poliomyelitisa, povrede mozga i kičmene moždine KS	1. Logavina br. 32 2. Omladinskih radnih brigada br. 4	1. podzakup 2. podzakup	1. provođenje programskih aktivnosti - Stručna služba, 2. provođenje programskih aktivnosti + Klub za članove	1. adekvatan 2. adekvatan

8.	Udruženje oboljelih od cerebralne dječije paralize KS	1. Marka Marulića br. 13J 2. Olimpijska br. 46 3. Behdžeta Mutevelića do br. 43 4. Olimpijska br. 30	1. podzakup 2. podzakup 3. podzakup 4. podzakup	1. provođenje programskih aktivnosti-kancelarije 2. provođenje programskih aktivnosti-kancelarije 3. druženje, fitnes, fizikalne vježbe - Klub za članove, 4. Art radionica CDP	1. adekvatan 2. adekvatan 3. adekvatan 4. adekvatan
9.	Udruženje „Oaza“	1. Teheranski trg do br. 6	1. korištenje bez plaćanja naknade.	1. provođenje programskih aktivnosti i rad Stručne službe	1. djelomično prilagođen (nedostatan za obavljanje planiranih aktivnosti)
10.	Udruženje invalida rada KS	1. Salke Lagumdžije br. 13	1. ugovor o zakupu	1. provođenje programskih aktivnosti	1. neadekvatan
11.	Udruženje „Žena – žrtva rata“	1. Hamdije Čemerlića do br. 7 2. Mehmedalije Bojića br. 16	1. ustupljen na korištenje bez plaćanja naknade 2. podzakup	1. provođenje programskih aktivnosti. i Stručna služba 2. arhiva i garažiranje auta.	1. adekvatan 2. adekvatan
12.	Udruženje NVO „Svjetlo“	1. Grbavička br. 22 2. Logavina br. 11 3. Pehlivanuša br. 22	1. podzakup, 2. korištenje bez plaćanja naknade, 3. privatni prostor	1. provođenje programskih aktivnosti, Stručna služba i art radionica, 2. edukativne i slobodne aktivnosti 3. kancelarija.	1. adekvatan 2. adekvatan 3. adekvatan
13.	Udruženje oboljelih od morbus crohna i ulceroznog colitisa BiH	1. Himzarina br. 6 2. Karaula bb	1. ugovor o korištenju 2. ugovor o korištenju	1. sjedište Udruženja 2. terapija, rehabilitacija i edukacija članova.	1. adekvatan, 2. neadekvatan
14.	Udruženje Pokret „Majke enklave Srebrenica i Žepa“	1. Nedima Filipovića br. 17 2. prostor u Memorijalnom centru Potočari	1. korištenje bez plaćanja naknade 2. korištenje bez plaćanja naknade	1. provođenje programskih aktivnosti 2. provođenje programskih aktivnosti	1. adekvatan 2. adekvatan

15.	Savez Udruženja penzionera u Kantonu Sarajevo	1.Trg nezavisnosti br. 11	1. korištenje bez plaćanja naknade	1. provođenje programskih aktivnosti	1. neadekvatan
16.	Crveni križ Kantona Sarajevo	1. Nedima Filipovića br. 11 2. Braće Begić br. 11 3. Jošanica Gornja br. 57 4. Hadžići, Ušivak bb	1. korištenje bez plaćanja naknade 2. vlasništvo organizacije 3. vlasništvo organizacije 4. korištenje bez plaćanja naknade	1. Rad Stručne službe 2. Centralna kuhinja 3. dječije odmaralište 4. Centar za edukaciju i odmor „Ušivak“	1. adekvatan 2. adekvatan 3. adekvatan 4. može se koristiti za određene potrebe organizacije
17.	Merhamet MDD	1. Safeta Hadžića br. 177 2. Jahiela Fincija br. 2 3. Prostorije MZ Rakovica 4. Stari Drum br. 8 5. Ismeta Mujezinovića br. 8 6. Trg međunarodnog prijateljstva br. 8 7. Jahiela Fincija br. 2 8. Zvijezda br. 38 9. Hašima Spahića br. 30	1. korištenje uz min. naknadu 2. vlasništvo organizacije 3. korištenje uz min. naknadu 4. korištenje uz min. naknadu 5. korištenje uz min. naknadu 6. korištenje uz min. naknadu 7. korištenje uz min. naknadu 8. korištenje uz min. naknadu 9. korištenje uz min. naknadu	1. Centralna kuhinja 2. rad Stručne službe i magacin 3. provođenje aktivnosti 4. provođenje aktivnosti 5. osnovni odbor Centar i S. Grad 6. osnovni odbor N. Sarajevo i N. Grad 7. osnovni odbor Ilidža 8. osnovni odbor Vogošća 9. osnovni odbor Ilijaš	1. adekvatan 2. adekvatan 3. adekvatan 4. adekvatan 5. adekvatan 6. adekvatan 7. adekvatan 8. adekvatan 9. adekvatan
18.	Caritas Biskupske konferencije BiH	1. Mehmed bega Kapetanovića Ljubušaka br. 6	1. vlasništvo organizacije	1.rad Stručne službe	1. neadekvatan obzirom na broj uposlenih i obim realizovanih aktivnosti

19.	Srpsko humanitarno udruženje „Dobrotvor“ Sarajevo	1. Džemala Bijedića br. 68	1. korištenje uz plaćanje naknade	1. rad Stručne službe i provođenje aktivnosti	1. neadekvatan (privatni stan)
20.	Udruženje „Crveni polumjesec“	1. Patriotske lige br. 12	1. korištenje bez plaćanja naknade	1. rad Stručne službe i provođenje aktivnosti	1. adekvatan
21.	Udruženje ilmijje Islamske zajednice u BiH	1. Sarači br. 77	1. korištenje bez plaćanja naknade	1. rad Stručne službe i provođenje aktivnosti	1. neadekvatan (nedostatan za obavljanje planiranih aktivnosti)

Broj 36 - Ponedjeljak, 6. rujna/septembra 1999.

Na osnovu člana IV 7. (VI) Ustava Federacije Bosne i Hercegovine, donosim

UKAZ

O PROGLAŠENJU ZAKONA O OSNOVAMA SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM

Proglašava se Zakon o osnovama socijalne zaštite, zaštite civilnih žrtava rata i zaštite porodice sa djecom koji je usvojio Parlament Federacije Bosne i Hercegovine na sjednici Predstavničkog doma održanoj 28. aprila 1999. godine i na sjednici Doma naroda održanoj 21. jula 1999. godine.

Broj 01-720/99
29. augusta 1999. godine
Sarajevo

Predsjednik
Federacije BiH
Ivo Andrić-Lužanski, s. r.

ZAKON

O OSNOVAMA SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM

I - OSNOVNE ODREDBE

Član 1.

Ovim zakonom uređuje se:

- osnove socijalne zaštite građana i njihovih porodica, osnovna prava iz socijalne zaštite i korisnici prava iz socijalne zaštite,
- osnivanje i rad ustanova zaštite i invalidskog udruženja,
- osnovna prava civilnih žrtava rata i članova njihovih porodica,
- osnove zaštite porodice sa djecom,
- finansiranje i druga pitanja od značaja za ostvarivanje osnovnih prava iz socijalne zaštite, zaštite civilnih žrtava rata i zaštite porodice sa djecom u Federaciji Bosne i Hercegovine (u daljem tekstu: Federacija).

Član 2.

Djelatnost socijalne zaštite, zaštite civilnih žrtava rata i zaštite porodice sa djecom je od interesa za Federaciju i kantone.

Član 3.

Djelatnost socijalne zaštite, zaštite civilnih žrtava rata i zaštite porodice sa djecom obavljaju ustanove socijalne zaštite.

Ustanove socijalne zaštite imaju svojstvo pravnog lica.

Na osnivanje i rad ustanova socijalne zaštite primjenjuju se propisi o ustanovama, ako ovim zakonom nije drukčije određeno.

Član 4.

Djelatnost socijalne zaštite, zaštite civilnih žrtava rata i zaštite porodice sa djecom mogu obavljati i humanitarne organizacije, udruženja građana, vjerske zajednice i organizacije koje oni osnivaju, građanin pojedinac i strana fizička ili pravna lica.

Član 5.

Porodicu, u smislu ovog zakona, čini: bračni drug, odnosno vanbračni drug, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, maćeha, djed i baba-nena (po ocu i majci) i braća i sestre bračnih drugova.

Članovi porodice civilne žrtve rata, u smislu ovog zakona, su: bračni drug, djeca (rođena u braku ili van braka, usvojena ili pastorčad)-članovi uže porodice, te roditelji, očuh, maćeha i usvojlac-članovi šire porodice.

Članom porodice u smislu stava 2. ovog člana, smatra se i vanbračni drug koji s civilnom žrtvom rata ima djece i s njom živi, odnosno živio je do njene smrti u zajedničkom domaćinstvu najmanje godinu dana.

Zajedničko domaćinstvo, u smislu ovog zakona, je ekonomska zajednica jedne ili više porodica u kojoj se zajednički stiču i troše novčana i druga materijalna sredstva, stečena radom i korištenjem zajedničkih materijalnih dobara (zemljište, zgrade i drugo).

Član 6.

Djetetom, u smislu ovog zakona, smatra se lice do 18 godina života.

Izuzetno djetetom, u smislu ovog zakona, smatra se i lice koje radi ostvarivanja prava na dodatak na djecu i osiguravanja školarine ili stipendije za đake i studente, ima i više od 18, a manje od 27 godina života.

Član 7.

Prava utvrđena ovim zakonom ne mogu ostvarivati lica koja su osuđena pravosnažnom sudskom presudom za krivična djela protiv ustavnog poretka Bosne i Hercegovine, ustavnog poretka Federacije Bosne i Hercegovine i krivična djela protiv čovječnosti i međunarodnog prava.

Pravo utvrđeno ovim zakonom ne može ostvarivati lica koje takvo pravo koristi po drugim propisima.

Prava utvrđena ovim zakonom ne mogu se prenositi na druga lica, niti se mogu nasljeđivati.

Član 8.

Nadležni organi kantona, u skladu sa ustavom i ovim zakonom, bliže uređuju djelatnost socijalne zaštite, zaštite civilnih žrtava rata i zaštite porodice sa djecom.

4) ustanova za socijalno-zdravstveno zbrinjavanje invalidnih i drugih lica,

5) ustanova za dnevni boravak korisnika socijalne zaštite.

Član 49.

Osnivanje i rad ustanova iz člana 48. ovog zakona uređuje se propisom kantona.

Osnivanje i rad ustanova iz člana 48. ovog zakona od značaja za Federaciju uređuje se federalnim propisom.

Član 50.

U obavljanju djelatnosti ustanove ne smiju uspostavljati nikakva ograničenja u pogledu teritorijalne, nacionalne, vjerske, političke i bilo koje druge pripadnosti korisnika tih ustanova, (rasa, boja kože, spol, jezik, socijalno porijeklo i drugo).

5. INVALIDSKA UDRUŽENJA

Član 51.

U cilju ostvarivanja boljeg položaja i zaštite lica sa invaliditetom i zadovoljavanja njihovih potreba, ovisno od vrste i stepena invalidnosti, mogu se osnovati invalidska udruženja, kao udruženja građana (u daljem tekstu: invalidska udruženja).

Invalidska udruženja osnivaju, saglasno federalnom propisu o udruživanju građana, lica sa invaliditetom sama, ili ako to nije moguće zbog stepena invalidnosti, roditelji tih lica, nastavno i drugo osoblje u ustanovama specijalnog obrazovanja i drugi građani.

Član 52.

Nadležni organi Federacije i kantona u utvrđivanju politike za ostvarivanje programa socijalne zaštite, ostvaruju saradnju sa invalidskim udruženjima.

Član 53.

Propisom kantona bliže se uređuje postupak osnivanja invalidskih udruženja, kao i druga pitanja od značaja za rad tih udruženja.

III - ZAŠTITA CIVILNIH ŽRTAVA RATA

1. POJAM CIVILNE ŽRTVE RATA

Član 54.

Civilna žrtva rata, u smislu ovog zakona, je lice kod koga je nastupilo tjelesno oštećenje od najmanje 60% zbog rane, povrede i ozljede (u daljem tekstu: invalid) zadobivene:

- 1) zlostavljanjem, odnosno lišavanjem slobode u toku ratnog stanja ili neposredne ratne opasnosti;
- 2) u vezi sa ratnim događanjima (bombardiranja, ulične borbe, eksplozija ratnog materijala, zalutali metak i sl.);
- 3) od eksplozije zaostalog ratnog materijala nakon završetka rata,
- 4) u vezi sa diverzantskim, odnosno terorističkim akcijama kojima se ugrožava sigurnost i ustavni poredak Federacije.

Član 94.

Prva sedmica u oktobru mjesecu svake godine određuje se kao "Dječija nedjelja" na teritoriji Federacije.

"Dječija nedjelja" se uvodi radi podsticanja i organiziranja raznovrsnih kulturno-obrazovnih, rekreativnih i drugih manifestacija posvećenih djeci i preduzimanja drugih mjera i akcija za unapređenje razvoja brige o djeci.

Manifestacije i mjere iz stava 2. ovog člana utvrđuju se programom koje donosi federalni ministar nadležan za socijalnu i dječiju zaštitu.

Član 95.

Za "Dječiju nedjelju" tokom cijelog mjeseca oktobra naplaćivat će se novčani iznos utvrđen odlukom Vlade Federacije Bosne i Hercegovine, i to na:

- 1) prodatu voznu kartu u međumjesnom i međunarodnom željezničkom, brodskom, avionskom i autobuskom saobraćaju,
- 2) poštanske pošiljke u unutrašnjem saobraćaju, osim na pošiljke novina i časopisa,
- 3) prodatu ulaznicu za pozorište, kino, druge kulturne manifestacije i sportske priredbe za koje se naplaćuju ulaznice,
- 4) prodatu gramofonsku ploču, muzičku kompakt-disk i video kasetu.

Naplaćene novčane iznose iz stava 1. ovog člana, preduzeća, poslodavci i druga pravna i fizička lica, koja vrše naplatu na području kantona, dužna su uplatiti te iznose u budžet kantona u roku od 15 dana po isteku mjeseca oktobra, ako propisom kantona nije drugačije utvrđeno.

Član 96.

Način naplate novčanih iznosa iz člana 95. ovog zakona, kao i način njihovog raspoređivanja, uređuje se propisom kantona.

V - FINANSIRANJE SOCIJALNE ZAŠTITE, ZAŠTITE CIVILNIH ŽRTAVA RATA I ZAŠTITE PORODICE SA DJECOM

Član 97.

Sredstva za finansiranje socijalne zaštite, zaštite civilnih žrtava rata i zaštite porodice sa djecom osiguravaju se u skladu sa propisom Federacije i kantona iz:

- budžeta općine,
- budžeta kantona,
- ulaganja osnivača ustanova,
- ličnog učešća korisnika,
- legata, poklona i zavještanja,
- drugih izvora.

SLUŽBENE NOVINE

KANTONA SARAJEVO

Godina VII - Broj 16

Četvrtak, 27. juna 2002. godine
SARAJEVO

Akontacija pretplate
za I polugodište 2002:
KM 60.-

ISSN 1512-7052

KANTON SARAJEVO

Skupština Kantona Sarajevo

Na osnovu člana 13. stav 1. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 36/99), Skupština Kantona Sarajevo, na sjednici od 25. juna 2002. godine, donijela je

ZAKON

O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

I - OSNOVNE ODREDBE

Član 1.

Ovim zakonom uređuje se:

- djelatnost socijalne zaštite, zaštite civilnih žrtava rata i zaštite porodice sa djecom;
- iznosi novčanih i drugih davanja na osnovu prava iz socijalne zaštite utvrđenih Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 36/99) - (u daljem tekstu: Federalni zakon) i ovim zakonom, uvjeti i postupak za sticanje tih prava i njihovo finansiranje;
- uvjeti, način i postupak ostvarivanja prava i finansiranje civilnih žrtava rata utvrđenih Federalnim zakonom i ovim zakonom;
- uvjeti, način, postupak ostvarivanja prava i finansiranje osnovnih prava porodice sa djecom utvrđenih Federalnim zakonom i ovim zakonom;
- ustanove socijalne zaštite i uvjeti za njihovo osnivanje;
- rad i finansiranje invalidskih udruženja;
- nadzor nad provođenjem ovog zakona;
- i druga pitanja od značaja za ostvarivanje prava iz oblasti socijalne zaštite, zaštite civilnih žrtava rata i zaštite porodice sa djecom.

Član 2.

Na pitanja koja nisu uređena ovim zakonom primjenjuje se Federalni zakon.

Član 111.

Superviziju vrše supervizori.

Supervizor može biti osoba koja ima diplomu-certifikat o završenoj edukaciji za supervizora.

Listu supervizora utvrđuje ministar.

Član 112.

Ustanova socijalne zaštite dužna je socijalnim radnicima i drugim stručnim osobama omogućiti prisustvo superviziji.

IV - INVALIDSKA UDRUŽENJA

Član 113.

Invalidska udruženja (u daljem tekstu: udruženja) u smislu ovog zakona smatraju se ona udruženja koja pored uvjeta propisanih u Federalnom zakonu o udruživanju građana i Federalnom zakonu, ispunjavaju i sljedeće uvjete:

- da okupljaju i pružaju pomoć osobama sa invaliditetom, čiji je stepen invalidnosti preko 60% i koji u pravilu ostvaruju pravo na novčanu naknadu za njegu i pomoć druge osobe;
- da članovi udruženja svakodnevne aktivnosti ne mogu obavljati bez korištenja specijalnih tehničkih pomagala ili da koriste specijalne tehnike u komunikaciji (brajevo pismo, zvučna tehnika, gestovni govor i sl.);
- da je djelatnost udruženja usmjerena na pružanje pomoći članovima pri otkrivanju, u školovanju, rehabilitaciji, zapošljavanju, resocijalizaciji, zadovoljavanju kulturnih potreba, informiranju o specijalnim tehnikama, obezbjeđivanju raznih tehničkih pomagala, rješavanju statusnih pitanja članova i sl.

Član 114.

Sredstva za finansiranje rada invalidskih udruženja obezbjeđuju se iz:

- članarina,
- donacija,
- legata,
- budžeta Kantona, Grada i općina,
- drugih izvora u skladu sa propisima.

Član 115.

Kanton Sarajevo iz svog budžeta finansira rad udruženja čija djelatnost se odnosi na područje Kantona Sarajevo, u visini i na način koji na prijedlog Vlade utvrdi Skupština Kantona.

Pri utvrđivanju prijedloga o finansiranju invalidskih udruženja Vlada uzima u obzir program rada udruženja, stvarne troškove koje udruženje ima, stepen i težinu invaliditeta članova udruženja i obim potreba koje se zadovoljavaju na specifičan način.

Ako se u Kantonu registruje više invalidskih udruženja sa istim ili sličnim programskim ciljevima, koja su formirale osobe sa istom vrstom invaliditeta, Kanton će iz svog budžeta finansirati samo jedno invalidsko udruženje.

Prijedlog za finansiranje udruženja iz prethodnog stava, utvrđuje Kantonalno ministarstvo uzimajući u obzir kriterije utvrđene u Federalnom zakonu i ovom zakonu.

- ličnog učešća korisnika,
- legata, poklona i zavještanja,
- i drugih izvora u skladu sa propisima.

Član 163.

Iz Kantonalnog budžeta finansiraju se sljedeći oblici socijalne zaštite, zaštite civilnih žrtava rata i zaštite porodice sa djecom:

- stalna novčana pomoć;
- novčana naknada za pomoć i njegu od strane druge osobe;
- usluge kućne njege i pomoći u kući;
- jednokratne, izuzetne pomoći i druge materijalne pomoći;
- osposobljavanje za život i rad;
- smještaj u drugu porodicu;
- smještaj u ustanovu socijalne zaštite;
- lična invalidnina;
- porodična invalidnina civilnih žrtava rata;
- dodatak za njegu i pomoć od strane druge osobe po propisima o civilnim žrtvama rata;
- ortopedski dodatak;
- pomoć u troškovima liječenja i nabavci ortopedskih pomagala, tiflotehničkih i drugih pomagala;
- dječiji dodatak;
- naknada umjesto plaće ženi-majci u radnom odnosu za vrijeme dok odsustvuje sa posla radi trudnoće, porođaja i njege djeteta;
- novčana pomoć za vrijeme trudnoće, porođaja i njege djeteta ženi-majci koja nije u radnom odnosu;
- jednokratna pomoć za opremu novorođenog djeteta;
- pomoć u prehrani djeteta do 6 mjeseci i dodatna ishrana za majke dojilje;
- smještaj djece uz osiguranu ishranu u ustanovama predškolskog odgoja;
- školarine i stipendije đacima i studentima;
- osiguranje jednog obroka u vrijeme nastave;
- Dječija nedjelja;
- rad ljekarskih i drugih stručnih komisija u prvom i drugom stepenu;
- finansiranje ustanova socijalne zaštite koje osniva Kanton i invalidska udruženja;
- kao i druga prava koja u skladu sa ovim zakonom, svojim propisima utvrdi Skupština ili Vlada Kantona.

Član 164.

Iz općinskog budžeta finansiraju se:

- materijalni troškovi i plaće zaposlenicima u ustanovama socijalne zaštite koje osniva općina;
- općinska invalidska udruženja, u skladu sa mogućnostima;
- druga prava iz socijalne zaštite, koja svojim propisima utvrđuju općine.

IX - NADZOR NAD SPROVOĐENJEM ZAKONA

Član 165.

Nadzor nad sprovođenjem ovog zakona i drugih propisa donesenih za njegovo provođenje, inspekcijski nadzor i poslove revizije vrši Kantonalno ministarstvo.

X - PRELAZNE I ZAVRŠNE ODREDBE